



Afisianin Kamisinam Nunavunmi



Nunavut Kavaman

Uqaqhimayaat

Quviahutiginir Kuin Diamond Jubilee-nga

**Itjirurvia 6mi, 2012mi
Iqalungni, Nunavut**

Kamisina Edna Elias Hivulliqtiyuquqlu Eva Ariak ublumi nuititivaktun tuhaatjutikhaqmik ukuninga uqaqhimayaat:

“Ubluk naunaitkuhitiqaqtuq sikstinik ukiunik upautihimalikta Kuin Elizabeth Tuglik tikuaktauvikgivaktaani talvunga Ikhivautaqpakyuamut. Una hanaqitjutikhaquaq Kuin Diamond Jubilee-nga aulatjutikhangat Nunavunmiunut, taimaitalu Kanaitianmiutat, quviahutigiyaangat aituihimaatqaitingit angiyuqaaquyavut kiviagiangatlu nunaptingni nunaquyuaqputlu aninginiit taima ikhaakhuni ikhivautaqpakyuamingni.” Kamisinam Elias uqallaktuq. “Quviahuutigiluaqtavut kihimi Kuin pullaagpangman Nunavunmut tunnunganutlu ikhaaktiluni ikhivautaqpakyuamingni.”

Naunaitkuhitiqitiyangat una Diamond Jubilee, akhuuqnaqtun ilautquyayuyut upalungaiyaqtauniaqtun ukiuk tama 2012mi nangariyaangat Kuin ikhaakninga Ikhivautaqpakyuami, ikayuutaingit akhukningalu havaktaingit uumunga nunaquyuaqputlu, quviahuutigiyangatanglu tamaita Kanaitiangit havakpaktainik talvuuna kingunganiitun sikstinik ukiunganik.

“Tamaita aviktuqhimayut nunangit ukiuktaqtuniitunlu nunaquyangit maligaliuquyaviliqiyiingit, maligaliuquyuaqputlu, qungmuutitiniyaqtun napaqtumut Kuin nanminigiyainik Kanatian titqautitjuta hiqiniq nuilihaagumi hiqiniqtauq talitkumi talvuuna Itjirurvia 6mi, 2012mi. Taimalu, quviahuktunga tuhaqtitiumaplunga taima Diamond Jubilee Medal (Quyahuut Iilitariyautjutikhaq Naunaitkutaq) aituqtauniaqtun tapukinga sikti tausinut Kanatianut ilauqaqlutiklu Nunavunmiunut talvuuna ukiunga 2012mi.” Hivulliqti Ariak uqallaktuq.

Ilihaiyumirumaguvit tapfuminga Diamond Jubilee Medal (Quyahuut Iilitariyautjutikhaq Naunaitkutaq) taimalu qanuq niguagiangat inukmik Nunavunmin, talvungaulutin www.gov.nu.ca/commissioner/ uumungaluuniit <http://www.gov.nu.ca/>. Umiktirutinga niguavikhangani Qiqqaiyavik 30mi, 2012mi.

Naunaiyumigutikhat amigaitun hanaqitjutikhakkut ukiuk tamaat hanayagiikhimaniaqtun ubluangani kinguagungmut ublukmi.

###

Hivayaqlutin:

Marie Fortier
Ikayuktia Kamisinam Nunavunmi
Afisiani Kamisinam
(867) 975-5120
mfortier@gov.nu.ca

Emily Woods
Tuhaqtitiyunut Titiraqtia
Afisiani Hivulliqti
(867) 975-5059
ewoods@gov.nu.ca